



Univerzitet u Sarajevu

Poljoprivredno- prehrambeni fakultet

*Pridruži nam se i oblikuj održivu
budućnost s nama!*



Web

www.ppf.unsa.ba





Sadržaj

Univerzitet u Sarajevu	1
Poljoprivredno-prehrambeni fakultet	2
Ciklusi studija	4
Odsjeci	5
Unutrašnja organizacija	6
Fakultetsko ogledno poljoprivredno dobro „Butmir“	7
Centar za biljne genetske resurse	9
Studijski programi I ciklusa	10
Studijski programi II ciklusa	11
Upis na studij	12
Stipendije	13
Mobilnost	14
Studentska asocijacija	15
Ured za podršku studentima	16
Studenti s invaliditetom	17
Agriconference	19
Vannastavne aktivnosti	20
Studentski život	21
Kulturni i društveni život u Sarajevu	24
Iskustvo studenata	25
Kontakt	26



Univerzitet u Sarajevu

Osnovan 1949. godine, Univerzitet u Sarajevu (**UNSA**) predstavlja najstariju i najveću visokoškolsku instituciju u Bosni i Hercegovini te jedan od vodećih akademskih centara u regiji. Sa više od **25 fakulteta i akademija** i stotinama studijskih programa, univerzitet studentima nudi širok spektar mogućnosti za sticanje znanja, istraživanje i profesionalni razvoj.



Smješten u srcu Sarajeva, univerzitet nudi jedinstveno iskustvo studiranja u gradu bogate historije, kulture i živog studentskog života. Kulturni događaji, međunarodni projekti i stručne prakse čine svaki dan učenjem i iskustvom koje oblikuje budućnost studenata.



od 1949. godine



Tvoja akademska priča
počinje ovdje – na
Univerzitetu u Sarajevu !

Univerzitet u Sarajevu

Poljoprivredno-prehrambeni fakultet

Poljoprivredno-prehrambeni fakultet mjesto je gdje se susreću **znanje, priroda i inovacije**. Kao dio najveće akademske zajednice u Bosni i Hercegovini, fakultet obrazuje stručnjake koji oblikuju savremenu poljoprivredu, sigurnost hrane i održivo upravljanje prirodnim resursima.

Studij pruža studentima priliku da kroz:

- **savremenu nastavu,**
- **laboratorijski rad i**
- **terenska istraživanja**

razvijaju praktična znanja i vještine. Posebna vrijednost studija je mogućnost rada na istraživačkim projektima, kao i saradnja s poljoprivrednim proizvođačima, prehrambenim kompanijama i institucijama.

Studirati ovdje znači biti dio zajednice koja stvara **inovativna rješenja za hranu, prirodu i održivu budućnost**.





“ —

Zajedno oblikujemo
održive sisteme
hrane i poljoprivrede!

— ”



Ciklusi studija

Naši programi studentima pružaju čvrstu teorijsku osnovu i praktična znanja koja su ključna za uspjeh u modernoj poljoprivredi i prehrambenoj industriji. Studij se realizira kroz tri ciklusa, osiguravajući kontinuirani razvoj i pripremu za profesionalnu karijeru.

Prvi ciklus - Bachelor

Trajanje: 3 godine (6 semestara)
ECTS: 180
Zvanje: Bakalaureat / Bachelor

Drugi ciklus - Master

Trajanje: 2 godine (4 semestra)
ECTS: 120
Zvanje: Magistar

Treći ciklus – Doktorski studij

Trajanje: 3 godine (6 semestara)
ECTS: 180
Zvanje: Doktor nauka





Odsjeci

Fakultet je organiziran kroz četiri odsjeka. Svaki odsjek razvija i provodi studijske programe u skladu sa savremenim naučnim dostignućima i potrebama tržišta rada, omogućavajući studentima da svoje obrazovanje usmjere prema području koje ih najviše zanima.



Biljna
proizvodnja



Zootehnika



Prehrambene
tehnologije



Ekonomika
poljoprivrede i
prehrambene
industrije

Raznovrsni programi omogućavaju studentima da razviju svoj akademski put uz stručnu podršku.





Unutrašnja organizacija

Fakultet raspolaže s 11 katedri, 8 instituta i 22 specijalizirane laboratorije, koje omogućavaju provođenje nastave, istraživanja i stručnog rada u svim područjima poljoprivrede i prehrambene tehnologije.

Dodatnu vrijednost čine Naučno-istraživački poligon u Butmiru i Centar za biljne i genetske resurse, koji studentima i istraživačima pružaju praktične uvjete za primjenu znanja i razvoj inovacija.



Fakultetsko ogledno poljoprivredno dobro „Butmir“

Poligon „Butmir“ studentima Poljoprivredno-prehrambenog fakulteta nudi stvarno okruženje za učenje i istraživanje. Na 6,5 ha obradivog zemljišta studenti stiču praktično iskustvo u modernoj poljoprivredi: rade sa biljkama, poljoprivrednom mehanizacijom i primjenjuju znanje stečeno u učionici.

Poligon se koristi na sve tri razine studija – bachelor, master i doktorski, ali i za obuku poljoprivrednih proizvođača, provođenje istraživanja i pružanje praktičnih usluga iz djelokruga Fakulteta.

“
**Mjesto gdje
teorija susreće
praksu!**
”



Centar za biljne genetske resurse – Gen banka

Na Poljoprivredno-prehrambenom fakultetu u Butmiru, Centar za biljne genetske resurse čuva više od **500 autohtonih biljnih kultivara** – od povrća i žitarica do voća, ljekovitog i aromatičnog bilja. Njegova misija je **očuvanje biodiverziteta Bosne i Hercegovine** i razvoj inovacija u poljoprivredi.

Studenti i istraživači u Centru stiču **praktično iskustvo u laboratorijama i na terenskim poljima** – radeći na genetskoj karakterizaciji, obradi sjemena, in vitro propagaciji i plasteničkoj proizvodnji.



Globalna banka gena u Svalbardu čuva i **250 primki naših autohtonih sjemena. Pronađi nas u Svalbardu!**





“ —
|
Od polja do stola
znanjem
i inovacijama!
— ”



Studijski programi I ciklusa



Biljna proizvodnja



Ratarstvo i povrtlarstvo



Voćarstvo i vinogradarstvo

Zootehnika



Animalna proizvodnja



Akvakultura

Prehrambene tehnologije



Prehrambene tehnologije



Nutricionizam

Ekonomika agroindustrije



Ekonomika agroindustrije



Studijski programi II ciklusa



Biljna proizvodnja



Ratarstvo



Povrtlarstvo



Voćarstvo



Vinogradarstvo i
vinarstvo



Fitomedicina



Floristika i pejzažno
oblikovanje



Urbana poljoprivreda



Održivo upravljanje
zemljištem i ruralnim
prostorom

Zootehnika

Animalna proizvodnja



Hrana i ishrana životinja



Akvakultura



Prehrambene tehnologije

Prehrambene tehnologije



Kontrola kvaliteta hrane
i pića



Održivi sistemi
proizvodnje hrane



Ekonomiku poljoprivrede i prehrambene industrije

Ekonomika agroindustrije



Upis na studij

Prijava za studij na Univerzitetu u Sarajevu vrši se online preko sistema **www.upis.unsa.ba**. Konkurs za upis u prvu godinu raspisuje se početkom juna, a kandidati mogu birati između redovnog i vanrednog studija.

Pravo upisa imaju državljani BiH i strani studenti sa završenim odgovarajućim srednjoškolskim ili višim obrazovanjem, u zavisnosti od ciklusa studija. Studenti prvog ciklusa biraju programe po želji, dok studenti viših ciklusa nastavljaju obrazovanje prema prethodno stečenim kvalifikacijama.

Online sistem omogućava prijavu na više fakulteta i smjerova, kao i ažuriranje izbora tokom konkursnog roka, uz detaljna uputstva dostupna na stranici Univerziteta.



Stipendije

Studentima Univerziteta u Sarajevu dostupne su brojne stipendije i programi finansijske podrške koji pomažu u uspješnom studiranju i profesionalnom razvoju. Stipendije mogu dodjeljivati državni i lokalni organi, međunarodne organizacije, fondacije i partnerski univerziteti.

Studenti imaju priliku aplicirati na međunarodne programe mobilnosti, poput Erasmus+ stipendija i drugih međunarodnih fondova, koji omogućavaju studiranje ili stručno usavršavanje na univerzitetima širom svijeta.

Aktuelni konkursi i informacije o dostupnim stipendijama redovno se objavljuju na web stranici Univerziteta u Sarajevu, gdje studenti mogu pronaći detalje o uslovima prijave i rokovima.





Mobilnost

Studenti Univerziteta u Sarajevu imaju priliku da dio svog studija provedu na univerzitetima širom svijeta kroz programe međunarodne mobilnosti. Ovi programi omogućavaju sticanje novih znanja, upoznavanje različitih kultura i razvoj međunarodnog akademskog iskustva.




Služba za
međunarodnu
saradnju UNSA



Mobilnost se najčešće ostvaruje kroz programe kao što su Erasmus+ i CEEPUS, putem bilateralnih sporazuma između univerziteta ili kao freemover student koji samostalno organizuje studijski boravak na partnerskoj instituciji.

Učešće u programima mobilnosti pruža studentima priliku da prošire svoje vidike, razviju nove vještine i postanu dio globalne akademske zajednice.



Asocijacija studenata Poljoprivredno-prehrambenog fakulteta

Na Poljoprivredno-prehrambenom fakultetu studenti nisu samo učesnici nastave – oni su aktivni kreatori svog iskustva studiranja. Kroz **Asocijaciju studenata PPF**, studenti sudjeluju u organizaciji radionica, događaja i projekata koji razvijaju njihove profesionalne i socijalne vještine.

Krovna studentska organizacija, **Studentski Parlament Univerziteta u Sarajevu (SPUS)**, omogućava studentima da zastupaju svoje interese na fakultetu i unutar UNSA, dok ih asocijacija povezuje s potencijalnim poslodavcima i pruža prilike za praktično iskustvo.

Asocijacija studenata aktivno učestvuje u organizaciji događaja i radionica usmjerenih na profesionalni razvoj studenata.



Ured za podršku studentima – UPS!

Ured za podršku studentima Univerziteta u Sarajevu (**UPS!**) radi na stvaranju **inkluzivnog i podržavajućeg okruženja** u kojem svaki student ima jednake mogućnosti za uspješno studiranje i lični razvoj. UPS pomaže studentima da lakše prevaziđu akademske, praktične i životne izazove tokom studija.

Ured pruža niz važnih usluga, uključujući:

- pomoć pri odabiru studija i pristupu obrazovanju,
- psihološku podršku i savjetovanje,
- podršku studentima s invaliditetom,
- pravnu pomoć i karijerno savjetovanje,
- informiranje i obrazovanje studenata,
- organizaciju obuka i radionica za razvoj vještina.

UPS djeluje kroz više odjela – od pravne i psihološke podrške do asistivne tehnologije i volontiranja – i pruža praktične alate i resurse za sve studente.

Ured je mjesto gdje studenti mogu potražiti pomoć, dobiti savjet i osnažiti se za uspješan akademski i profesionalni put.

The logo for the Office of Student Support (UPS!) is displayed in a large white circle. The text 'UPS!' is written in a bold, black, sans-serif font. The background of the page is green with abstract shapes and a leaf graphic.



Studenti sa invaliditetom

Univerzitet u Sarajevu kroz Ured za podršku studentima sa invaliditetom osigurava jednak pristup obrazovanju i punu uključenost u sve aspekte studentskog života. Ured djeluje kao koordinacijsko tijelo koje pruža podršku studentima, saraduje s fakultetima i akademskim osobljem te promoviše inkluzivno okruženje na Univerzitetu.

Kroz različite aktivnosti Ured pomaže studentima u ostvarivanju njihovog punog potencijala – od akademskih prilagodbi i savjetovanja do informiranja o dostupnim resursima i podršci. Poseban fokus stavlja se na osnaživanje studenata, poticanje njihove samostalnosti i aktivno sudjelovanje u akademskom i društvenom životu.

Cilj je da svaki student ima jednake mogućnosti za studiranje, razvoj i uspjeh.





“ —

Zajedno gradimo
znanje
za budućnost!

— ”



Agriconference

Već više od 30 godina na fakultetu se održava naučno-stručna konferencija koja okuplja **istraživače, stručnjake i studente iz zemlje i inostranstva**. To je mjesto razmjene novih istraživanja, ideja i iskustava o savremenim izazovima u poljoprivredi i proizvodnji hrane.

Studentima konferencija pruža priliku da naprave **prve korake u nauci** kao mladi istraživači ili volonteri, kroz upoznavanje stručnjaka, novih ideja i akademske zajednice.

“ —
| Od studenta do istraživača! |
— ”



Vannastavne aktivnosti i prilike

Vannastavne aktivnosti na Poljoprivredno-prehrambenom fakultetu važan su dio studentskog života i pružaju studentima priliku da dodatno razvijaju svoje **znanje, vještine i profesionalne kontakte**. Kroz različite projekte, radionice i događaje studenti povezuju teorijska znanja sa praktičnim iskustvom.



TAKMIČENJE

Među najznačajnijim aktivnostima su **CATCHaCORN, Coffee with a scientist, AgrilN, AgroSTART, AGROobjektiv, Dan karijera**, kao i prigodni edukativni programi za škole i vrtiće.

Studenti također učestvuju u okruglim stolovima, gostovanjima u medijima, gostujućim predavanjima i simulacijskim vježbama, gdje imaju priliku razmjenjivati ideje, upoznati stručnjake iz prakse i razvijati profesionalne kompetencije.



Praktično iskustvo gradi profesionalne vještine.



Studentski život

Gdje stanovati?

Studenti u Sarajevu mogu boraviti u studentskim domovima ili u privatnom smještaju.

Studentski dom Nedžarići nalazi se u općini Novi Grad i raspolaže sa oko 960 mjesta. U okviru doma dostupni su studentski restoran, kafe-picerija, biblioteka i čitaonica, multimedijalni centar, park, sala za programe te sportski tereni (nogomet, košarka, tenis i stoni tenis). Dom redovno organizuje kulturne i sportske aktivnosti za studente.

Cijena smještaja kreće se od 154 KM do 169 KM mjesečno.

Studentsko naselje Bjelave smješteno je u općini Centar i sastoji se od devet paviljona sa oko 1000 mjesta. Studentima su na raspolaganju restoran, kafe-bife, biblioteka, multimedijalni centar, park, vanjski amfiteatar i sportski tereni. Naselje također organizuje različite kulturne i sportske programe za studente.

Cijena smještaja iznosi 154 KM do 169 KM mjesečno.

Privatni smještaj je također čest izbor među studentima. Cijena zavisi od lokacije i veličine stana, a okvirno se kreće od 200 KM mjesečno i više.



Kulturni i društveni život u Sarajevu

Sarajevo je jedan od najznačajnijih kulturnih i društvenih centara u regiji jugoistočne Evrope. Grad ima **bogatu tradiciju pozorišta, muzeja i kulturnih institucija**, ali je istovremeno poznat i po velikom broju **međunarodnih festivala** koji svake godine okupljaju umjetnike i posjetioce iz cijelog svijeta. Među najpoznatijim događajima su **Sarajevo Film Festival, Jazz Fest, Baščaršijske noći, Sarajevska zima i međunarodni teatarski festival MESS**. Ovi festivali nude raznovrstan program koji uključuje film, muziku, pozorište, izložbe, književne večeri i brojne druge kulturne sadržaje.

Grad posjeduje i veliki broj muzeja i kulturno-historijskih spomenika koji svjedoče o bogatoj prošlosti Sarajeva i Bosne i Hercegovine. Među najznačajnijim su **Historijski muzej BiH, Muzej Jevreja BiH, Brusa bezistan, Svrzina kuća i Despića kuća**. Posebno mjesto u kulturnoj baštini grada zauzima sarajevska **Vijećnica**, jedan od najprepoznatljivijih arhitektonskih simbola Sarajeva.





Kulturni i društveni život u Sarajevu

Urbani pejzaž Sarajeva karakteriše jedinstven spoj različitih kultura i religija, što se ogleda u brojnim **džamijama, crkvama, sinagogama i drugim historijskim građevinama**. Grad je ujedno i univerzitetski centar sa velikim brojem studenata, što doprinosi živom društvenom životu i raznovrsnim kulturnim dešavanjima.

Osim kulturnih sadržaja, Sarajevo nudi bogatu **gastronomsku ponudu** i raznovrstan noćni život. Tradicionalna bosanska kuhinja, kao spoj orijentalnih, mediteranskih i srednjoevropskih uticaja, može se iskusiti u brojnim ašćinicama, buregdžinicama i ćevabdžinicama, dok brojni kafići, klubovi i restorani pružaju mogućnosti za druženje, koncerte i večernje izlaske.

Zahvaljujući bogatoj historiji, kulturnoj raznolikosti i dinamičnom društvenom životu, Sarajevo studentima i posjetiocima pruža jedinstveno iskustvo života u gradu gdje se susreću tradicija i savremenost.





“ —

Naši studenti –
graditelji održive
budućnosti!

— ”





Kontakt



Telefon

+ 33 225 727



Email

podrska@ppf.unsa.ba



Web

www.ppf.unsa.ba



Lokacija

Zmaja od Bosne 8, Sarajevo

Dobrodošli na studij!

